

聶氏家言旬刊

民國十五年十月三十一號

期五〇百一

聶氏家庭集益會記錄
牧師荒謬之一斑
重印龍舒淨土文附識及賬略
上海遼陽路聶宅發行

八本堂說 丙寅九月十八日

雲台

文正公定考寶早掃書蔬魚猪爲居家八本其事極庸常然大抵爲人所忽視實則聖人治國平天下之道盡在是矣古聖王之治天下也以宗廟祭祀爲之先務孔子至謂明乎郊社之禮禘嘗之義治國其如示諸掌乎孔子而爲愚人也則已若其聖智爲可稱也則此言也不有甚深之意義存其中耶今之青年沈迷於西方物質之學說絕不了解此意義者也彼以爲是乞靈於陳死人以邀福耳爲之者爲大愚又謂以食物供死人彼非能享也假令鬼果能享則僅歲時一具何補於其平日之餒乎凡此辯詞大抵皆以物質爲說者也而不知古聖人立教立法不在其物而在其意祭祀之所由來蓋出於孝子仁人之用心所謂事死如事生事亡如事存孝之至也能如是用心則忠厚之德可以見矣故孔子曰其爲人也孝弟而好犯上者鮮矣不好犯上而好作亂者未之有也君子務本本立而道生孝弟也者其爲仁之本歟又曰慎終追遠民德歸厚矣古聖王蓋善用此意以爲治民之法

者獎勵孝弟重視祭祀所以培養其忠厚之性情使親親而仁民老老幼幼以及於人之老幼審如是天下豈尙有不治者乎此其意豈物質學家斤斤以死者有知無知獻食有用無用爲辯者所得而知哉故文正列祭祀祖考爲第一而次之以仁親爲寶惟善爲寶夫大學親民止至善同爲明德之功至高無上故曰寶也是二者進德之事有斯二者立其本而後修業之條目工夫有可得而言矣治生與爲學皆修業之事也二者皆以勞謙爲吉徵以逸傲爲凶德早起所以習勞而醫惰也洒掃所以習謙而醫傲也不有此二者爲之本則業無可修而德亦無可進天下古今未有惰且傲之人而德業成就者也故早掃二字治生力學之大綱也其條目則書蔬魚猪概之矣書爲學之事也蔬魚猪治生之事也所謂耕讀之家風也孟子所言五畝之宅樹牆下以桑百畝之田匹夫耕之五母雞二母彘毋失其時謹序序之教申之以孝悌之義者蓋盡概括於此八字之中其言蔬魚則因地而殊不限於字義要皆農家之附業尺地之利寸陰之時不敢

廢棄田家生活。固如是耳。孟子以此爲黎民不飢不寒之道。謂循是以行而不王者。未之有也。然則文正之八本。非獨居家之本。抑亦治國平天下之本也已。文正公爲學治事。皆能提要鉤玄。撰爲箴言。語語聯句。以自策勉。蓋摘取古人之意。而融會貫通之。以適於實用。吾輩學識淺陋。雖志欲師古。而望洋興歎。莫知所擇。若能善以文正所訓是。則古人之精意。皆爲我用矣。爰述其旨。以告家人子弟。將以爲一家之準繩。而次第見之。實施焉。又以城居不蓄魚豬。擬代以衣履二字。亦師文正意也。公嘗手書婦女課程。其書給家慈者。予去歲嘗影印之。以傳世。計分食事。衣事。細工。粗工。四者。食事。則做小菜。點心。酒醬之類。衣事。爲紡紗。績麻。細工。爲針黹。刺繡。粗工。爲做鞋縫衣。批云。吾家男子。於看讀寫作四字。缺一不可。婦女於衣食粗細四字。缺一不可。吾已教訓數年。總未做出一定規矩。自後每日立定功課。吾親自驗功。食事。每日驗一次。衣事。三日驗一次。細工。五日驗一次。粗工。每月驗一次。每月須做男鞋一雙。女鞋不驗。此同治七年所定也。吾今易書蔬魚豬爲書蔬衣履。則以看讀寫作悉屬之書。爲男子之日課。食事。悉屬之蔬。縫衽女紅。悉屬之衣。做鞋屬之履。爲婦女之日課。雖字有更易。而意在善述。或不爲大雅君子所訶責乎。

聚會與會者。老太太 隽威及二太太 雲台 六太太

七太太 愼餘 少萱及十一太太 光堃夫婦 炎少

奶奶 潞生因應酬 十太太因病均未到

雲台報告聚會之宗旨。略謂家庭和睦。與家運振興。均要在大家同心同德。互相勉勵。以時聚集。各抒意見。集思廣益。此會之所由召集也。其杰懷抱此志已久。迄未得有機緣。今新居落成。各房聚居一處。氣象一新。尤應及時振奮。有作新之表示。對於家事。則應有具體之規畫。積極之設施。對於家庭教育。亦應明定宗旨。與以切實指導。弟姪後輩。均有賴於老成之指導。俾得時聆訓勉之言。改正其浮泛之感情。誤謬之觀念。如此類事。萬端待理。其杰德薄能鮮。惟有惻惻之忠。掬以自效。至於見諸實施。仍賴衆擎共舉云云。

次宣讀集會大綱。略謂此會成立。以後按期舉行。自應略有組織。以爲依據。並有記錄。以備考按。茲擬數條如下。

家庭集會大綱

命名 家庭集益會

定期 星期日下午二時半

會所 遼陽路崇德堂宅

職員 設幹事一人。記錄會議言詞。執行議定事件。

議事 以道德禮義爲標準。不取法定章程之完密。議決

者主張多數所可決。衡以聖賢古訓先德典型而皆當者。則不以少數反對而輒止焉。

商議事件 分家政家教兩大端。家政包括家計。為互謀自勵自約之法。家教則謀訓約後輩子姪之道。其屬於家計事項者。別分條目。另設委員會議處理之。

又言所定應設幹事一人。其杰意以此自任也。因請各位商定會之名稱。甦威言家庭集益會名稱甚佳。餘亦無須更改者。此種會重在精神。不在形式也。次請 老太太訓示。

老太太諭云。汝所言甚是。欲家運振興。此為切要之務。即如十一兒讀書做人。亟應奮發圖新。二兒能為之講書甚妙。昔者 文正公晚年。公務極忙。猶每夜課子講書也。

舊威言予甚贊成此會之設立。望大家合力互助。以圖家事之振興。講書事亦願擔任。

慎餘言此種集會。不但使我輩得發表意思。並應使幼輩各人發抒言論。庶得知其志趣思想。而施以相當之訓勉。

七太太言在學堂諸兒童。還家時應令與會聽講。學堂中無機會聞此等教訓也。

雲台言關於家政家教之準繩。莫善於 文正公之八本。其杰已撰一文。說明八本之意義。因略述其大旨。並言願躬行

早掃二字。為子弟倡率。又擬以衣履二字代魚豬。因居城則魚豬二字不適用。此仍為師 文正公所定婦女課程單衣

食粗細四字之意。其詳見於拙作八本堂說。茲不贅記。

談話共一小時有半。由光菴婦治點心供衆。食畢盡歡而散。 牧師荒謬之一斑

王尙志君言。前在湘潭花石鎮一教堂內。聽牧師講教。初言拜木偶之非。謂樹之一部份。用作神像及主位。其他部份。或作糞桶。對此無知之木禮拜。誠無意識。聽衆似頗以為然。繼言汝等敬拜父母。而不知敬拜天父。殊不合理。譬之稻。父母稻稟也。子孫穀米也。穀雖生長於稟。然稟何功哉。言至此。聽衆大怒。各脫草鞋擲擊。牧師二人踉蹌遁去。其杰按耶教書。雖亦有教人敬訓父母之語。不敵其教人輕蔑父母之語之多。如言孝父母不得比其孝天父也。如耶穌教人從己傳道。而令棄父屍不顧。謂可聽死者自葬也。如耶穌直斥其母曰。婦人。我與汝有何相干也。此皆見之於彼所謂聖經者也。謬種流傳。蓋咎不在牧師矣。予嘗為文指明耶教之弊害。於是。有神學家朱君。撰文登之青年進步（十四年正月）為其教辯護。曰。耶教教人孝天父。為得其原理。孔子則止從事於孝之條目。故孔子之言孝。不若耶教之高也。但惜乎教會及信徒。太摹仿西俗。而不提倡基督之孝道。渠入教十數年。未聞牧師講孝道一次。問之友人亦然。又言教會太缺少孝之書。渠近年當留心蒐集此等文字。竟不能覺得一書一文。一詩。言基督之孝道者。不若儒書佛書之孝者。到處皆是也。又言教會制度之未善。亦為獎進不孝原因之一。在教會之辦事人。本身薪水之外。有妻子者。另給津貼。然不因有父母

而給瞻養也。故教會中不孝之事甚多。因歷舉所見聞教友中打罵爺娘。侮虐翁姑者八事。詳述其狀。自言聞之者必心驚肉跳云。又言人不能敬愛其父母翁姑。而反能敬愛無形之上帝。其誰信之。又言嘗徵求神學士王治心君意見。王君以為基督教對於孝道問題有不足之處。勸其利用儒教言孝道者以解決之。乃朱君最後結論。仍以為孔子教孝。雖極詳明。然學問以原理為重。故耶教實較孔子為圓滿云云。耶教徒重感情不講理智。執我見不究是非。雖自問良心已不安。又確知其流弊誤人。然仍欲保全面子。不肯虛心從善。朱君其一例耳。

重印龍舒淨土文附識及賑略 雲台

其杰業深障重。流轉迷途者數十年。及聞佛法。又徬徨歧路者多時。幸有緣得與善知識相近。漸聞淨土之旨。自顧愚痴無慧。難望了解最上之義諦。更何敢侈談即證當下之真如。惟有循前賢所經歷安穩之途。實亦即我佛所指示簡易直捷之徑。執持阿彌陀佛名號。以期與佛感應道交。都攝六根。淨念相繼。入三摩地。得無生忍也。淨土之書。古人著作極富。求其切實顯明。當以龍舒淨土文為最。予既自願安分守拙。以老實念佛為行持。知世間儘有同志。以做伶例漢為可懼者。則還醮反樸。必於淨土法門求之。此書其良師益友矣。爰集同志。合資重刻。以廣流通。並搜集各地刻本。慎為校訂。又考釋梵意。將往生真言句逗訂正。採杭州所刻增廣本眉批。

亦節去其所增者數條。皆就正於八不居士者。其刊費細數及附印諸君姓字。謹列於后。版製紙型三套。可分寄南北。俾有志流通者。得取以印刷焉。丙寅九月 聶其杰謹識

第一次刊印龍舒淨土文諸君芳名

- 南京佛經流通處壹百元 安徽佛光社壹百元 簡玉階
 - 居士五百本 歐陽起莘居士五百本 賀貴嚴君貳百本
 - 李柏農居士壹百五十本 黃涵之居士一百五十本
 - 沈惺叔居士一百五十本 關綱之居士一百本 周心約
 - 居士一百本 朱郁堂君一百本 梁鼎甫居士一百本
 - 穆藕初君一百本 蕭老太太一百本 陳有坤居士一百本
 - 本 魏梅蓀居士五十本 歐陽石芝居士五十本 曹蔚
 - 廬君三十本 俞壽田君三十本 聶慧蓮居士五十本
 - 瞿兌之君二十本 湯竹盒居士二十本 楊老太太十本
 - 劉廉生君十本 吳覺初居士十本 李增煊君十本
 - 任尙武君十本 傅道伸君十本 王蓮友君二元五角
 - 潘伯衡居士二元 劉清遠君五本 郭叔嶸君五本
- 第一次排版印刷賑略如下
- 排版工計實洋二百十三元 紙版型三套實洋五十二元
 - 印手邊紙四千部計洋壹千壹百三十七元連製版費合共
 - 壹千四百零二元 每冊計費洋三角五分 以後續印每
 - 千冊價連佛像裝釘在內分各種紙張如次 連史紙每千
 - 冊洋三百零八元 毛邊紙每千冊洋貳百八十三元 日
 - 本毛邊每千冊貳百六十八元 日本連史每千冊貳百四
 - 十七元 有光紙每千冊一百八十元